

皇明經世文編

皇明經世文編卷之一百五十五

華亭

徐孚遠閣公 陳子龍卧子

選輯

宋徵璧尚木 夏允彝瑗公

何如召祖 叅閱

陸文裕公文集

疏

陸深

擬處置鹽法事宜狀

鹽法

臣近日伏見兩淮長蘆之間商賈嗷嗷怨聲載道問之皆云勢要奪其利故也臣謹按鹽課一事本因海

澤自然之利以克邊方緩急之儲于國計甚便然使朝廷壅實惠而不下商賈畏空名而不來則蠹亦甚矣祖宗時設立各處轉運提舉等司僉竈以辦稅置倉以收鹽建官以蒞政設法以開中其要在乎通商而已大抵商益通則利益厚此立法之本意也且窮邊絕塞輪轉極難之地而能使商賈挾貨負重以往隨令而足比至戶部給引派場涉歷萬里動踰歲年又况守支存積徒冒虛名仍復買補魚貫聽掣其辛苦如此勢要之人妄下恩典動以百萬往參其間馮

陵假借支則盡支掣則便掣所經官司曲爲奉承雖

憲臣亦將有投鼠忌器之嫌彼將何憚而不爲乎小

人營利之心寧有厭足大率彼通一分則此塞一分

自然之數也夫能得商賈力以利驅之耳彼旣以有

利而來亦必以無利而去又自然之勢也矧以彼之

辛苦對此之微俸交易之間又相懸絕坐使自然之

利上不歸于朝廷中不在于商賈下不藏于民間

雖天地亦將厭棄之臣實懼焉仰惟皇上軫念立

法之本意漸惜恩澤不妄施與然後其他條畫次第

可舉行矣。臣又按今天下推鹽之地。兩淮爲上。兩浙次之。而弊端亦于二處爲多。然尤大壞鹽法之端有二焉。其一則竈丁苦于兼并。其一則今日勢要之侵利是也。然于兩浙又微不同。大抵壞兩淮之鹽法者。多勢要壞兩浙之鹽法者。多私販而灶丁之苦。則一而已矣。蓋淮浙之鹽。出于人力。非若河東天造地設不勞之利也。其法在于曬土爲鹵。煮鹵成鹽。以鹽納官。然而逋負多而國課損者。何也。夫欲曬土。必有攤場。欲煮鹵。必有草場。今之場蕩。悉爲總催者所并。而

鹽課又爲總催所欺。灶丁不過總催家一傭工而已。
煎煮之法。名實存亡。而總催者下欺灶力。上負國課。
百計遷延。以覲一赦而已。今欲處之。在于盡復灶丁
之場蕩。而盡懲總催之姦欺。則其弊可息矣。浙中私
販之徒。以拒捕爲常。以殺人爲戲。驟不可剪。則比之
勢要。差爲易處。苟使出鹽之地。捕其買者之市家。行
鹽之地。捕其賣者之市行。而悉置于法。則其党可空。
矣。非若勢要之家。蛇蟠卵翼。不可一旦去也。今日得
侵兩淮長蘆之鹽利者。雖曰朝廷業已許之。然終

非法意。臣以爲與其壞天下之大法。寧傷數人之私恩。必使小人之姦。無所容而後已。夫上之支中。盡歸于商賈。下之場蕩。盡歸于灶丁。則商通課足。而鹽法不行者。未之有也。

陳愚見以裨聖學事疏

經筵講章

臣遭際

聖明。備員講讀。昨因講讀。昨因講章未安。特于文華

未意遠出。班陳奏以失規。陳劾。能于得罪。

面奏。臣之爲此者。恃有陛下堯舜之主耳。果蒙溫

旨。非臣捐軀所能報也。彼時威嚴之下。未盡愚衷。先行犯禮。故退而待罪。方將具論。所以不意又蒙慰。

首是陛下旣宥之辜而復誘之使盡言是誠千載
一時也臣請盡言之伏惟聖明采擇焉臣謹按經
筵一事關係匪輕輔養君德尤爲首務因以策勵
臣節者亦不少也何則君父在前威顏咫尺爲之
臣子者儼然拜起布義陳詞說孝說忠說仁說義說
廉說耻說禮說讓若使反之于身而一無所有鮮不
至于愧汗而聽者誰則信之故必勉加修踐之功而
後可收感孚之效是以講章必出講官之手者其意
蓋在于此非徒以便誦說爲也然須有溫潤之氣以

具告君之體。此非輔臣鮮克舉之。所以必送內閣改

講章送輔臣改定附納規之言必有

避忌此亦相沿之失

定者。誠欲畧去龕踈鄙野之狀。以養夫親近儒臣之心。其意又在于此。非徒以美文辭爲也。臣竊思之。熟矣。臣豈敢不顧舊規。直行已志。若以此勸講。是未誠也。何益。聖學當時面奏講章。義理多未浹洽。所包甚廣。意不止于文辭已也。伏讀聖諭。益增戰兢。是臣之愚。倉卒未能上達爾。且今內閣無所不統。舊規俱帶知經筵事。又皆老于文學之臣。講說更改。宜有精義者。此特小節耳。第使講章盡出內閣之意。而講

官。不。過。口。宣。之。此。于。義。理。深。有。未。安。而。交。乎。相。感。之。
道。遠。矣。此。臣。之。所。爲。爭。也。伏。望。俯。察。愚。誠。特。諭。內。閣。
只。將。講。章。一。節。優。容。臣。等。各。陳。所。見。而。內。閣。因。得。以。
考。觀。臣。等。之。淺。深。至。于。義。理。往。復。藻。潤。迭。加。何。所。不。
可。豈。止。于。閱。看。而。已。臣。愚。意。欲。請。自。訓。詁。衍。釋。之。外。
于。凡。天。下。大。政。事。大。利。弊。皆。得。依。經。比。義。條。列。類。陳。
庶。幾。九。卿。百。司。有。行。之。而。不。能。盡。給。事。中。御。史。有。知。
之。而。不。敢。言。司。府。州。縣。有。負。之。而。不。能。達。者。皆。得。以。
次。上。聞。則。主。勢。日。尊。聖。學。日。遠。而。臣。等。亦。得。附。之。

以進修矣。區區一得之愚如此。此臣之心也。

擬論取回都督勇士狀

將軍親兵

臣近見取回許泰家人某等十幾人。某等皆勇悍武

將軍必有所私之士

夫。止堪殺賊之用。泰託爲父子。同以生死。已非一日

矣。今朝廷方用泰。泰方用此輩。不識陛下何爲

而取之。廝養下材。過蒙特召。祖宗以來。並無事例。况

此輩姓名。遠在行伍。不識陛下又何繇而知之。訪

得近日盜賊。肆行無忌。所畏者。獨許泰一軍耳。泰所

以能使賊畏者。不過敢死當先而已。此輩正許泰敢

死當先腹心之士。若其攻堅陷陣。皆能以一當十。其
于許泰。若左右手。不可一時。明矣。臣料陛下不
過聞其便捷騎射。欲取而試之耳。而道路流言。洵洵
可懼。或謂有人欲忌許泰之成功。或謂姦人陰主此
策。以剪許泰之爪牙。而欲以泰委賊者。此其無稽萬
不出此。倘相傳播。未必不生賊間諜之計也。况泰亦
武人。未知義命。一旦奪其所恃。蹤跡孤危。加以流言。
必懷疑豫。志日分而氣日索矣。欲望其如前日之敢
死。當先勢必不能。此其關係實非小小。臣愚以爲

陛下于某人等。到京之日。姑試其能。卽爲犒賞。或薄于處置。加名目。或面賜獎言。卽還之于泰。以終其所事。則天下皆謂陛下神聖。不惟深知許泰之功。而併與許泰之瓜牙心腹。皆悉知之。庶免邊將。知所激勸。而賊滅有日矣。臣不勝私憂過計。冒昧以聞。

正名祛弊以光治體事

三司體統

近該臣叅奏巡按御史某不職。某亦行舉劾。臣過失均蒙 敕下都察院看詳。公論有歸。臣不敢辯。續該臣自劾求退。未蒙允俞。伏地瞻天。復有所獻。仰惟

聖明納察焉。臣聞人存則政舉，名正而言順。夫所謂名者，自君臣父子之太，以至官僚稱呼之間，皆名也。亦皆政也。名必有義，義必有稽，稽而後正，故曰政者正也。無稽則無義，無義則言不順，而事不成，故曰政息甚可懼也。今某之言，可謂無稽矣。姑據其一二，請以大義裁之。夫御史之與按察使、副使、僉事等，均爲風憲，俱名察官，體分中外，固也。至于交際之間，尤關國體。伏覩憲綱所載送迎坐次之儀，得相主賓而非統攝，故臣常謂御史與按察之官，兩長可以相形兩。

短不可以相示。何則？按察見御史之長，則當尊而敬之。曰：此天子之按臣，得體也。御史見按察之長，則

當旌而薦之。曰：此一方之人才，可用也。是之謂兩長。

祖宗設官之意，本自如此。

相形。御史見按察之短，則當隨事舉劾。按察見御史之短，則當指實奏聞。是之謂兩短相示。凡此皆出于天理之至公，而不容一毫喜怒愛憎之情與于其間。夫是之謂王道而貞肅之本意。初不外此。臣等所宜自靖自獻，以爲執法執中。皆職分內事也。其不及此而喜作威福，每列三司于兩旁，悉欲鞠躬罄折於前。

惟其言而莫違然後謂之無異議。不知所議者何事也。其于憲體何如。而臣等三司盡皆何如人也。弊政亂名莫甚于此。某本小器。而又不學。徒懷疑忌之心。不知義理所在。惟有血氣違犯實多。一旦聞臣參奏。手足無措。漫爲失體。不經之詞。意在挾制孤危。遂成欺罔。臣甚惜之。若謂體統各別。猶有可諉。至謂督率官司。則又無稽之甚者。臣請復爲陛下分疏之。我朝祖宗損益三代。以位置百僚。內設五府六部。外建都布按三司。實有臂指相使之勢。品資等級。殆猶鱗

砌。故府部謂之大臣。三司謂之方面。皆附麗天子。以制名者也。三司自五品以上吏部舉用。具名雙請。與兩京堂上體例一同。若六部之諸司。則謂之司官。郎中員外郎等官。之于尚書侍郎。則謂之堂官。臣等三司視各府州縣等官。則謂之屬官。此司屬之所由分。亦名分之所攸寓。是或有督率之義存焉。至如臣者。備員提學。欽奉制勅。內有提督表率字樣。方取名爲督率。止于師生進退賞罰。得以一面奉行。鏗今妄認方面爲司官。而欲一槩督率之。不知是明旨

乎。是舊例乎。第恐天下後世有謂我朝方面官曾受御史之督率。實自臣始。竊謂此名不可不正也。且御史積有資望。方得推陞僉事。而副使之陞。則御史之極選。由此以上。則謂之超選不次矣。若果如鎗所言。則尚書侍郎亦將遽遷爲郎中。員外郎乎。其爲寡陋疎率若此。不知將何以副陛下之任使哉。又如劾臣不行。呈稟撫按。照得提學職事。原與撫按不甚交涉。貪酷害人。許受訴詞。此係奉行。敕書。臣固不敢以一人之私忿。而遽爲之前却。皇上正名定分之

志又在修正會典之時。臣感戀舊恩。每思報効。于此豈敢循默。而自取嫌避哉。推求弊端。皆由臣等不才。三司諂佞阿附。要求保薦。以爲進身之階。所以養成。此。是。病。源。麤傲之御史敗壞。陛下之紀綱。竊謂此弊不可不祛也。非臣身親目擊。誰肯言及此哉。伏惟聖明將臣所言。特下該司會議。凡有舉劾。當視巡按者之賢否。以爲黜陟。凡爲巡按。當攷舉劾者之當否。以爲殿最。凡遇接管巡按之際。再加精擇。貫魚行鴈之選。宜一洗而更張之。著爲憲章。載之令式。咸使遵守。庶絕

內臺不至挾權以相陵。外僚不敢希求以獻諂。名義既正。弊端自清。言順事成。而禮樂可興也。此誠大聖人之所作爲。所謂有是君則有是政矣。

公移

四川與何總兵論西番用兵公移

西番兵事

爲照西番自古以來不能爲中國大患。亦未嘗不爲中國患。要在羈縻之而已。往昔難以槩舉。以我朝國初兵力之強。御史大夫丁玉經畧之勤。其終也。亦惟給散銀顆。至今各番藏之以爲寶。是雖丁大夫威

惠入人之深亦以賞之而已。今爲撫剿之說者已失其宜而所謂無不撫之剿者尤爲不通之論。蓋撫之不從而後剿之。未聞旣剿之而又撫之也。且如土夷芒部已叛則剿之而改爲流官鎮雄府如烏蒙烏撒雖有兵端但撫之而已。蓋剿則必盡撫則必賞故曰撫夷賞番非漫語也。今西番自有部落自成風土比與土夷尚繫聲教者不同將欲剿之則不能盡將欲撫之則不可終故爲中國之計者必以備禦爲上策伺其犯邊則誅之因其款塞則賞之賞之者非盡賞

爲我源患無累得宜則自然快服
也。賞其款附者也。誅之者非盡誅也。誅其犯順者也。

若思爲拓土開邊之策。生事喜功。以僥倖千萬一。則
啟釁構怨。孰任其咎耶。麾下熟知番情。忠勇素著。當
儕之古名將之列。比與白面書生。妄爲自用者。不可
同日而語。見蒙撫按批示。開詳番情。請條具誅賞撫
剿事宜。逐一開報。以憑轉達。訪得深溝一寨。及據地
圖。詳觀山脉。起自西番。迤邐而來。至于深溝地面。方
始落下。壁立斬絕。約高三十餘里。我難以仰攻。而彼
可以下據。蓋彼反在內。而我在外地。勢則然。譬如城

堡可以內守。而不可以外有也。今縱一時攻破。竊恐不可有也。有之恐不可守。守之恐不可久。今若悉併財力。建爲城堡。西番暫且遠避。俟我功成。不過數十人。至百餘人守之而已。一旦驅其醜類。乘便逐之。殺虜殆盡。如近日貴州凱口之事。則地方之責。又將誰任。耶。昔人謂幽州之地。曹翰可取。孰可守也。竊意此地宜空之。使彼不得而居。我亦不必履此孤危。則架梁裝塘之擾可免。而華夷之界限自明。且省後慮矣。

徽守南戾復役記

徽守復役

徽父老鄭廉言于深曰。徽郡于江南據大之麓。俯視諸郡。地產民力。于諸郡特劣。而饒富之名。顧不後諸郡。是故號難治。治之而得民心。又難也。南戾之治徽三載矣。善政以十百計。最得其民心者。復役一事尤鉅。于徽蓋百世功也。徽之民自是有子孫矣。徽之民自是有田廬矣。徽之民自是有殖業矣。侯之功安可忘也。惟我太祖高皇帝定鼎金陵。太平實首善之地。比于漢之三輔。南陽故凡糧料力役。獨加優

厚。若湯沐云。近有桀黠者。巧爲規避。視吾徽猶壑也。先是蕪湖役夫。使徽代之。繁昌祇候。使徽又代之。當

塗之民。復謀以南京兵馬司弓兵凡四十八名。歲以

凡雜派之數。朝下之部。使者部使者下之各

銀計者數百。改派于徽。徽弗堪矣。由是歛休績和縣

郡本無常額。視地方有司能爲力爭。則可也。終不

發六縣之民。交訴于朝。事下撫臣都御史毛公馳

能則生。數日多而民困矣

檄屬郡議其便。不便者。于是池寧安太四守臣會于

廣德。太平林侯議曰。太平屬縣。地當衝要。水則有通

陸。則有驛。使符芻午。客之貴且重者。每一接待。凡費

三十金。或五十金。其下者且十金。徽僻處獨無此。改

派便南侯曰不然國初都南故雲貴川廣五六省

故事可考

使道必經采石荻港支應爲難未聞告乏今朝廷

在北諸道使客皆由西路豈昔有餘而今反不足耶

且太之糧畝以升計徽之糧畝以斗計自昔經制者

固已權輕重于其間矣近奉部符調發凡坐派若干

凡灑派若干視他郡獨多定額之上供者每歲計銀

三萬兩有奇而不時之需大工之具不與焉徽煩矣

改派不便林侯曰徽善賈多富商是民力有餘也改

派便南侯曰徽地狹民不容居故逐末以外食商之

外富民之內貧也。徽近多盜。內犯則外移。外犯則內索。大抵明于法則務傷。欲速成則滋害。皆吾民也。實弊矣。按會典則戶口之耗者且半。凡皆役之重也。役之重。民之貧也。太之戶口。視國初不及者才三之一。顧可謂徽富而嫁役乎。于是林侯語塞。議上。毛公亟是之。而改派之役罷。徽之民得復舊規。用是以和深聞之。曰。善乎侯之治徽也。其辭不費而利則溥矣。其事不煩而民則治矣。其心不黨而隣則睦矣。其功不耀而風則遜矣。雖古循良後以加此。適侯有考。

之行因錄爲贈將以聞于當宁并以慰徽人之心

江南新建兵備道記

江南兵備

江南之兵備設也自今天子正德始兵備之有官也自弋陽謝公始先是公以監察御史來按江南當庚午辛未之際興革舉措屹然不以禍福利害動其心江南以寧旣受代去天子以爲明于江南之故會有江上之師用大臣議設兵備于太倉州乃自御史陟公爲浙江提刑按察副使蒞太倉凡水利屯田鹽法獄訟之類咸屬焉又聽以法糾察其屬文武吏

之職不職者而獨以備名最重也公奉璽書而來知州汪君惇以兵備道爲請乃卽水利分司之舊址益以民間地若干畝而卽工焉經始于七年之秋九月明年二月訖功凡六月嘉定知縣王君某以書屬深記之惟古昔憲王經理之制凡以爲民也而兵則惟大惟慎大抵兵不息則治不興而忘備于無事之日者至戒也竊觀自古頑民之弄兵未必盡包不軌其始也起于無所彈壓以遂其無所忌憚之心及其過成惡稔則一切決裂爲之至用天下之力而僅克

若近日之用兵皆前日撤備之所致也。嗚呼。孰爲之哉。是故先王所以有禁于將然。與救于已然者。其效可睹已。仰惟 天子除去大熟。求復祖宗之經制。若茲兵備之設。惟善是從。以保佑民。宜示有永。按太倉當江海之衝。三吳之蔽。而金陵之門戶也。公旣至。承天子德意。加以博大練達之才。經綸體用之學。惟地與民爲久遠規。後之來者。將尋公之始政。而考求之。則國家之幸。而江南之民之福。亦寧有旣哉。深故敢列其大者以告。若工費之自出。與有事茲役。法當牽

聯書者、勒諸碑陰、

策

國學策對

國學

今日之太學、謂宜以今日之宜處之、今日之宜、畧有四事、愚請言之、一曰太學術以救科舉之弊、愚聞古之人、無不學也、其學以二十五年之久、然後仕焉、既仕也、惟才是任、無所謂資格也、是故伊尹起于莘野、傳說舉于版築、太公興于渭濱、始也養之如此、終也任之如此、今日科舉、既得出身之餘、惟諭歲月官資、

而已。竟不問其學何所本。才何所堪。言及于此。雖欲
自己其流涕痛哭。不可得也。上之人既以是待天下
之才。人才所學。視有司一舉業之外。少留意焉。雖然
舉業本意。未始不善。何則。本之經書以觀其義理之
學。叅之論判表策以觀其理治之方。胡瑗所謂經義
治事者。固以兼舉而並行矣。聖祖謀畫。極有深意。
前輩先達。功業頗高。今日舉子。不必有融會貫通之
功。不必有探討講求之力。但誦坊肆所刻軟熟腐爛
數千餘言。習爲依稀彷彿。浮靡對偶之語。自足以應

有司之選矣。學術至此，其又可悲也。夫今九州之廣，四海之遠，聰明才辯，固自不少，皆科舉之學誤之也。天下人才，不過二等：天資明敏者，上也；學問後通者，次也。上焉者，其于科第，早得數年；次焉者，其于科第，遲得數年。大約如是而已矣。早者血氣未定，一旦心與物交，有引于功名，有引于富貴，間有有志學術，而重爲政事所縛者，既有志，又有地千百之十一耳。是上焉者科舉誤之也。遲者血氣既衰，力不追志，是次焉者科舉又誤之也。舉天下之人才，皆誤于科舉，如

此不幸者不可追矣。又幸而得人太學者，正宜與之講明學術，致力于身心，而不徒詞章，留意于經濟，而不但記誦。知是行是，雖歲月有淺深，皆不失爲君子人也。異日有位，可屬望焉。若復程督舉業，是以有限之功，爲此無用之事。朱子所謂伎倆愈精，心術愈下。不若不教之以全其朴忠之爲愈也。何則？舉業者進取之媒，非致理之路也。其弊也浮華而無實用，揀之地在今日之太學耳。蓋鄉學所儲，未成之才也。太學所養，將用之才也。二曰開荐舉，以寓激勸之微權。

○快○論○

國家取士于科貢、仰視前古似爲少狹、然亦足以周天下之用、取才期于足用而已矣。又況太學之士、皆名待用、荐舉若無俟也、此有說焉。朝廷官人制爲等差、曰守曰令曰藩、曰臬曰卿曰大夫曰公曰孤、異其章服、辨其資階、此皆非其人性分之所有也、蓋假此以妙其用、使少者賤者、俛然知其尊且貴、而服役之、其中才者、則又歆豔而企及之、故曰爵祿束臬、所以磨世厲鈍也、以執事之碩德重望、試于太學之中、熟視嚴察、一二人特章論列之、雖荐未必用、用未必

顯天下已曉然知太學有荐舉之路。孰不樂居之。括磨拔濯。以應執事之選哉。其功爲不少矣。三曰隆禮貌。以愛惜人才。愚聞太學與百司。非但勢不同。其意亦不同也。何則。百司謂之政。太學則謂之教。百司謂之治屬。太學則謂之師生。百司有五刑。太學則有二物。百司主法。太學主恩。今日黻倫之上。生徒步趨拜揖。一不敢越厥度。高拱堂。噲指意而已。豈百司敢京哉。愚以爲不如是。則道不尊。退而聽事。畧宜霽威。無益拜跪。一切罷去。以勵諸生之節。執經獻疑。從容窮

日以承執事之教、愚以爲不如是、則道不行、若夫高堂深陛、不敢仰視、固已扞格不通矣、良法美意、安從致之、孟子論政、所以必本之仁心仁聞也、又變文體以救俗學之弊、傳曰太上立德、其次其功、其次立言、文非君子之所先、亦君子之所不廢也、文體關時、理不可誣、又君子所不得恣也、是故爲文不本于六經、皆苟而已、前代文體、具有成論、獨宋南渡以後、纖弱破碎、議者謂其國體然也、元人承宋矯之以龐毫呌、噓益不足觀、我朝又監元人之失、類以歐蘇爲宗、愚

見世之好歐蘇也、亦嘗取歐蘇之文、閉門而讀之、未
言大而論
見其足法也、喟然嘆曰、由六經而至歐蘇有之矣、未
有由歐蘇而造六經者也、夫歐之文溫雅、其學勝、蘇
之文通達、其才勝、無歐之學、與蘇之才、而爲其文、所
謂效季良不得者也、國朝百餘年、文運亨嘉、宜在
今日、伏惟留意焉、夫是四者、愚昧不敢自必、謂何、庶
乎人才學術、可得一變也、

雜說

河間保定韃官

韃官

予在代州試諸生以河間保定韃官韃舍爲問意欲爲處置之策顧事體重大郭欽江統之論不可不熟慮也唐補闕薛謙光上疏蓋謂戎夏相雜自古所戒夷狄無信易動難安故斥居塞外不遷中國至謂冒頓彊盛不能入中國者非兵力不足也其所以解平城之圍而縱高帝者爲不習中土之風不安中國之美生長磧漠之北以穹廬堅于城邑以毡罽美于章紱既安其所習而樂其所生是以無窺中國之心者爲生不在漢故也豈有心不樂漢而欲深入漢者乎

劉元海五部離散之餘。而卒能自振于中國者。爲少
居內地。明習漢法。非惟元海悅漢。而漢亦悅之一朝
背叛。四方響應。遂鄙單于之號。而竊帝王之寶。賤沙
漠而不居。擁平陽而鼎峙者。爲居漢故也。向使元海
不內徙。止當刼邊人。繒綵麴蘖。以歸陰山之北。安能
使王彌崔懿爲其用耶。言甚剴質。可嗣徙戎。嘗觀遼
金元與五季二宋相終始。卒爲中華患者。亦坐燕雲
之外棄耳。故曰。前事之不忘。後代之龜鑑也。

晉水澗

晉澗作澗

晉水澗行類閩越。而悍濁怒號特甚。雖步可越處。輒起濤頭。作澎湃源至高故也。夏秋間爲害不細。以無堰塢之具爾。予行三晉諸山間。嘗欲命緣水之地。聚諸亂石。倣閩越澗作灘。自源而下。審地高低。以爲疎密。則凡水皆利也。有司旣不暇及此。而晉人簡情。亦復不知所事。甚爲可恨。閩諺云。水無一點不爲利。誠然。亦繇其先有豪傑之士作興。後來因而修舉之。遂成永世之業。故予謂閩水之爲利者。盈科後進。晉水之不爲利者。建瓴而下爾。

山西三關

山西三關比諸邊爲弱。一被虜患。當事者皆甘心得罪。勢不得不然也。若蒙恬之累土爲山。植榆爲塞。因地形制險。最爲上策。近有栽柳之法。尤便易于榆。按古人之成法。可用于三邊者。若趙克國之屯田。李牧用軍市之租。日椎牛享士。趙奢爲將。所得賞賜。盡與軍吏。魏尚守雲中。出私養錢以享賓客軍吏。皆要策也。夫謂之賓客。所該甚廣。凡游說探謀之人。皆是宋田錫亦謂厚賜將帥。使之賞用。足克供億。若在今日

能使將帥不尅減軍士。抑亦可矣。

加耗

一公外集云。加耗起于後唐。水次倉起于後魏。經畧一
予昨記後唐明宗與我太祖加耗。以爲仁政。按周

一江注也。

世宗顯德中。每石與耗一斗。此出之于官。以資轉運。
非謂取之于民也。胡致堂論之曰。受挽而取耗。未嘗
爲耗用。直多取以實倉廩耳。又謂不宜取而取者。省
耗是也。當與而未嘗與者。漕耗是也。其意善矣。我

太宗定鼎燕都。轉漕江南。較之汴宋。其費宜倍。今運
軍給耗。每石已至三斗餘。而漕政疲弊。蓋有兩端。京

通交納。監督者太多。運官部領。刻剝者至巧。東坡知揚州。上言。謂祖宗以來。通許綱運。攬載物貨。既免征稅。而腳錢又輕。故物貨流通。緣路雖失商稅。而京師坐獲富庶。按此事。想古所不禁。若今日更有法以通融之。亦漕運之一利也。

黃河

河入中國。古今異宜。後世講河事者。非一家。總之文多實少。故罕成跡。惟有費才力。費日月。以俟其自定而已。禹貢曰浚川。孟子曰水由地中行。此二言者古

今不可易之定理也。後世之明于河事者，亦有賈讓之三策，亦有賈魯之三法。若余闕所謂中原之地，平曠夷衍，無洞庭彭蠡以爲之滙。故河嘗橫潰爲患，斯言也，尤爲要切，似非諸家所及。大抵河患有二：曰決，曰溢。決生于不能達，溢生于無所容。徙潰者，決之小也。汎溢者，溢之小也。雖然，決之害間見，而溢之害頻歲有之。被害尤大者，則當其衝也。是與河爭也。其原蓋由于戰國非一日矣。使賈魯之三法遂而有成，亦小補耳。且當歲歲爲之，其勞其費可勝言哉。今欲治

之。非大棄數百里之地。不可。先作湖陂。以潴漫波。其次則濱河之處。倣江南圩田之法。多爲溝渠。足以容水。然後濬其淤沙。繇之地中。而後潤下之性。必東之勢得矣。

皇明經世文編卷之

皇明經世文編卷之一百五十六

華亭

陳子龍臥子 宋徵璧尚木

選輯

徐孚遠闇公 李 雯舒章

山陰朱兆奎伯高叅閱

黃宗伯文集

疏

黃 琯

大禮第三疏

繼統大禮

臣邇者伏惟繼統之義不明綱常之理未正敢排俗
論不復顧其身之利害曾爲 陛下陳之及見禮部

行下咨文述 聖諭擬定典禮稱號者再三詳玩不
過遷合以掩一時之非甚非義理所安足垂千古之
典臣聞人生惟一本而未聞有二本者今 陛下旣
以天理人心之至稱 皇考于 獻皇帝則不當復
稱 孝宗皇帝爲 皇考矣誠如禮官之義以 陛
下稱 孝宗皇帝 慈壽皇太后爲所後父母稱
獻皇帝 章聖皇太后爲本生父母則是二本矣人
臣以二本事其君其視君何如哉按禮於所後父母
服三年名曰重則於本生父母降而爲期同伯叔父

毋名曰輕。既爲伯叔父母。毋推尊之禮。宐無所施。今之
推尊也至矣。而不復正以皇考之名。輕重何所別哉。
於經傳亦何據哉。或曰。今孝宗廟祀無主。不得已
爲此。故於禮有不暇論也。殊不知天子宗廟。雖有

子孫。非爲

天子。不得而祭。

陛下繼

武宗爲

天子。則當承

武宗爲祭主。是故得爲主。則九廟

皆有主矣。不得爲主。則

九廟皆無主矣。何必獨爲

孝宗。慮而不爲

武宗。慮哉。且

陛下明爲入繼大

統。而又曲改以爲入繼

大宗。是何言哉。夫人繼

大統三代所同。同歸于禮。所謂名正言順者。今而改之。則天子之職止一宗祀而已。又何大夫士庶人之

別也。按宗法。別子爲祖。繼別爲宗。蓋繼天子者。世爲

和宗二義分三亦言禮諸公所不及

天子。繼諸侯者。世爲諸侯。其他子爲別子。爲祖者爲

始祖也。繼別子後者方爲宗。是故諸侯不敢祖天子。

大夫不敢祖諸侯。天子無宗。諸侯亦無宗。有宗者乃

大夫士庶人之事也。天子諸侯皆止一人。所以治其

宗而不與之同宗。故曰。君有合族之道。族人不得以

其戚戚君位也。周禮大宰以九兩繫邦國之民。伍曰

宗以族得民，乃知宗法之立，所以爲治天下之具。使人各知尊其祖，敬其宗，收其族而治之，易矣。然在天子諸侯之身，惡有所謂大宗小宗者，猶得與大夫士庶人並論哉？蓋天子諸侯之位，皆公器也。天子諸侯之職，皆爲民也。故曰：繼統不曰繼嗣，其爲禮固異於大夫士庶人矣。春秋魯文公二年二月丁丑，書作僖公主。八月丁卯，書大事于太廟，躋僖公。禮記記孔子之言曰：臧文仲安知禮？夏父弗綦逆祀而弗止也。又左氏述孔子之言曰：臧文仲不知者三，縱逆祀其一。

也。其意謂何。重繼統也。苟不重繼統。則僖公兄也。閔公弟也。天倫之敘。惡可以紊。夏父弗綦之躋。臧文仲之弗止。皆是矣。何以謂之不知禮。何以謂之逆祀。且作主亦常事耳。孔子何迭書屢言而深譏哉。夫孔子萬世仁義之宗。春秋乃其親筆之經。禮記左氏所載。又其自明本書之旨。與他傳註臆度之說不同。猶不可信。又何信哉。況自唐虞三代以來。雖有官天下家天下之不同。傳賢傳子及弟之或異。其爲繼統之意。則一也。若必拘繼嗣。則周懿王不得上傳於叔父。周

孝王不當下傳於族孫矣。嚮者孔子修定禮樂考正
千古之典，凡有不合于道，必有論說於此，數端皆無
所論，而獨於躋僖公一事惓惓以爲言者，其意亦可
見矣。然必爲繼嗣之說者，皆衰世之事也。女后姦臣
欲逞其私心，非此則無以援立暗弱，而肆其權術。何
哉？凡爲君多在長嫡，長嫡子孫有及六七世已壯而
有室，而支子之子孫尚在提抱而未及三世，此後世
國統一絕，所以童昏相尋，而天下之亂所從生也。此
所以繼統之說不可不明於天下萬世也。宋杜太后

有曰、國有長君、社稷之福、可謂得其要矣、故我太祖高皇帝、深懲繼嗣之失、以爲姦逆之基、故有兄終弟及之訓、專重繼統者也、先于同父兄弟、若無同父則及同祖、今禮官之言曰、必同產而後可、故以陛下強爲孝宗之子、假爲武宗同產親弟、然後可立、又曰爲孝宗立子、卽所以爲武宗立後、有是事哉、今姑以士庶人之禮論之、凡已娶無嗣、爲立後、謂之繼嗣、若繼祖之宗、絕卽承其祀、故昭穆有敘、今乃武宗無子、而非孝宗無子、旣欲重爲繼嗣、卽

當爲武宗立而不當又爲孝宗立亦昭然矣。遍

求經籍揆之人情皆爲無稽。然而紛紛之說猶未已者。始則妄援定陶濮王不同之故事。終則搜索綱目漢尊悼考之小註以附會之。夫綱目乃朱熹未成之書。惟凡例其所自定。他皆令門人趙幾道編纂草稿。未及刪正。而朱熹卒。今但以其所與趙幾道諸書及年譜考之可見。况追尊悼考等書法皆掇漢史舊文。但除去因園爲寢數字以沒其實而直曰立寢廟。豈朱熹特書而故欲誣之也。且以范祖禹之言誤作范

鎮尚未之考，則未經朱熹之筆，又可知矣。又况漢昭
帝無子，立昌邑王而廢宣帝，乃昭帝姪孫繼昌邑而
立。當時不考史皇孫，則當誰考耶？然即園爲寢，與太
廟無干，亦何小宗合大宗之嫌，必使爲人子者，忽然
而薄，弗顧其父母，方爲禮乎？且引程頤之言，又是爲
論濮王而發者。且朱熹嘗深取孔光盤庚兄弟及王
之說，以古禮之壞，自定陶王始。又以濮議不曾好讀
古禮，其言亦可證矣。如此不精未定之說，豈可執之
爲斷，而反棄孔子親筆之經，而弗顧哉？此皆臣之所

未解者也其何以厭天下之心而免後世之譏哉又
昨大臣席書吳廷舉等與羣臣方獻夫張璁桂萼霍
韜黃宗明等亦嘗反覆論之可見人心之同義理之
公不可遏滅有如此者故今日典禮之宜據經詳定
庶免兩考之嫌以成繼統之大申明祖訓以爲萬
世之法臣不勝忠款之至

論治河理漕疏

治河理漕

臣伏蒙 召命道經豐徐竊見黃河爲災傷民敗漕
甚非細故敢究致災治漕之詳以聞臣按黃河發源

皇明經世編

黃宗伯集

卷之一

治河

六

平露堂

吐蕃朶甘思西鄙名星宿海經流萬餘里其水本清。浸近中國漸變黃濁。三代以前惟有漲溢自漢以來始多決河。蓋河高湍悍壺口以上山原相夾猶在澗中。地雖高下未至壁絕。水雖并入未至甚多。勢雖奔流未至衝擊猶夫河也。至壺口以下受水始多。龍門壁絕砥柱橫突懸水迅湍始成衝擊地夷土脆故得○神○州○之○口○○脆○爲患昔禹導河至大伾北流分爲九河至碣石入海經史所載皆不言導此之故。臣考堪輿之說凡兩山相夾中必有水。一水中流兩必有山。南條與中條相

秋○至○此○多○決

夾長江是也中條與北條相夾黃河是也兩山相夾
其間地勢必兩高中低自爲水道就而導之水趨無
散故無決河之患惟流久積壅但有漲溢而已及禹
疏治幾八百年並無水災至周定王時方云河徙矜
礫此後又數百年不聞爲災迄至戰國阡陌溝洫
廢平陸之土漸不可田建國都者無所仰給不免汴
渠灌田通漕致運作渠灌田者必引水自高方能跨
原阜以成其利通漕致運者必從旁穿決方能貫河
渠以足其用况砥柱以下始多衝擊岸衝擊則崩頽

水衝擊則湍漩湍漩角頽者多故水益黃濁多泥凡
經河流無不淤泥日積夫淤泥積于下河流升于上
不爲隄防何以障之今洛陽河隄高于汴城豈一朝
夕之故猶以盤盂盛水稍動則水溢几案矣故自漢
以來始多決河之患或者不知每歸天數豈不繆哉
武帝因瓠子災久不息然後導河北行二渠復禹舊
跡梁楚之地以寧未幾復決館陶此後歷代決塞不
常不可殫舉至隋煬帝開通濟渠自板渚引河入汴
河始入淮今黃河只金龍口至安平鎮一支或時北

流其餘不入漕河則入汴河皆合淮入海矣今則跨
中條而南乃在山阜之上河下爲河南山東兩直隸
交界處地勢西南高東北下水性趨下河下之地皆
易墊沒故自昔潰決必在東北而不在西南也今豐
沛徐淮之水則自沛河滲流所致遂爲豐沛徐淮劇
患陰雨決旬千里爲沼室廬乃魚鱉之藪穀土皆洪
波之壑人物蕭條生意索然久將若何民患固當軫
念况豐沛徐淮南北之中國家喉襟尤當慮者憶
臣曩歲經沛見小溝上石橋爲水衝頽石間有聲號

號問之曰黃河滲流未幾復過小溝已爲巨川臣時
逆知必有今日之患蓋彭城諸山發跡嵩少至于西
南轉之東北而至泰山馬陵蒙羽諸山又從泰山發
跡自東轉西至于淮口以逆水勢水小則循呂梁出
清口入淮大則河不能容水爲山阻泛濫原野爲豐
沛徐淮患勢必然也若不疏導別行害無已時今欲
治之非順其性不可川瀆有常流地形有定體非得
其自然不足以順其性必于兗冀之間尋自然兩高
中低之形即中條北條交合之處于此浚導使返北

流至直沽入海。而水由地中行。如此治河。則可永免

欲導河北流至直沽入海又一議也

河下諸路生民墊沒之患。且免河防夫役之苦。雖不

求禹跡。即禹跡也。務求禹跡。恐積淤日久。反成高陸。

若泛聽典籍人言。必爲所誤。前代欲復舊跡。終不可

復者此也。况九河已淪。小海碣石已入海中。今云九

河。臆度非真矣。或欲自渦河疏導入淮。稍殺豐徐之

患。是亦權救之說。但泗州鳳陽 祖陵 皇陵所在。

國家基本。又須回避拱抱。不可逼衝反跳。或致傷

犯。歟害非細。若沛流旣去。漕河必淤。又爲漕舟之慮。

欲預自沛縣及呂梁至淮多造滾江龍鐵齒濬川杷
之類於上流往來拽之泥沙必隨水而去弗俟水落
淤成然後開浚工費萬倍或謂黃河雖爲豐沛徐淮
患亦爲漕河之助漕河不資黃河此論爲也殊不知漕河之源皆發山東不必
資于黃河夫南旺馬腸樊村安山諸湖本山東諸泉
之所鍾聚鍾聚于此然後分爲漕河今爲漕者惟知
封濬泉源爲急而不知南旺馬腸諸湖積沙淤塞隄
岸頽廢蓄水不多之爲害也若能疏浚南旺諸湖修
緝隄岸更引他泉別充者而摠蓄之漕河不患其竭

矣。又見南旺馬腸湖隄之外。西南土名孫村湖。長溝
陂馬房屯等處。南至釣兒口。北至安山等處。一帶地
形下隴。較之湖水反低。即禹貢所謂巨野。宋時所謂
梁山泊是也。民之對藝。遇水即沒。恃隄爲障。欲就此
潴蓄爲湖。并將漕河改經于此。可免濟寧高原淺澁
之艱。且自釣兒口入谷亭。自谷亭至安山。路亦不遠。
爲力頗易。蓋濟寧地從東北來。故地形東北高西南
下。因其下爲湖水有歸宿。潦不至溢。旱不至乾。如高
郵邵伯諸湖。源流未必多于山東諸泉。但鍾聚得所。

水自多也。如此爲漕。則可耐久無弊矣。抑自漢唐宋
京師之粟。皆仰給東南。漢唐都關中。其漕。汭江淮河。
渭以入。宋都洛陽。其漕。汭江淮洛以入。皆因自然。
之勢。微濟以人力。惟元都燕。始引山東諸泉。輒爲此
道。名曰會通河。與海道兼運。河在高原之上。南北峻
坂。水勢兩下。無停滯之所。惟仗諸閘節蓄。方可行舟。
一日風塵梗塞。諸閘不守。舟不可行。故元末漕河蚤
廢。海運不通。京師乏食。無可奈何。至乞哀叛逆。斗米
銀六兩。勲戚權貴。皆爲餓殍。聞我太祖皇帝大兵南

來畧無闢志惟開北門遶之沙漠而已今國家自
太宗皇帝徙都于燕卽元故地命尚書宋禮等修二
會通河罷海運疏鑿廣深倍于昔時立法備守已非
昔比似可無慮然明者嘗憂於未形智者嘗謀於無
事猶不免意外之憂或以海運一道當豫修復設官
立法分撥漕船導引商賈稍開熟路未必無爲且沂
淮入注至於汝衛支河北流可以入都當相度疏治
分撥各近漕船就便往來廣通運道以備不虞實爲
國家至計臣愚偶爾有見區區寸誠不能已亦猶杞

人漆室之憂云爾

上明罰安邊疏

明罰安邊

臣竊惟大同之事，往年之失，則在於併首惡而赦之，紀綱之廢，莫此爲甚。此後宜乘不備，有以處之，不難一向置之度外。所以復有今日之事，今日之失，則在於懲往太過，鹵莽不戢，輒倡征勦之說，殊不知叛卒居于城中，非比賊巢夷虜。夫城池者，朝廷之藩籬，宗室者，朝廷之骨肉，文武官僚者，朝廷之心膂，軍民良善者，朝廷之赤子。其初只數十叛卒，并脇從

不上三百餘人。劉源清卻永先受闖外之寄。苟知方
鎮爲大。生靈爲重。早能因其未備。闖入城中。擒之。特
易失此。不爲既及。受命率兵。只宜遠頓外方。愈假寬
緩。移文查訪。以求首惡姓名。則衆心皆安。洗城之說
自無以惑彼。或劫掠城中。城中之人必深惡之。乘其
深惡。因令整兵預備。人情所願。俟其有備。只假一檄
而罪人可得。失此不患。內閣倡爲征剿於上。劉源清
正論久恭以事局難結故謂征剿爲失策也
卻永和爲征剿於下。領兵圍城。先攻東西二關。如戰
敵國。如攻賊巢。殺其無辜。使益驚駭。奔入城中。反爲

叛卒守城洗城之說。蓋信無疑而又不知兵法。深戒犯其五難。夫竊歟。莫迫今則迫其竊歟。是犯一難。大同堅城利器所在。是犯二難。百萬生靈皆置之必歟。以助其守城。是犯三難。又武官僚亦先置之必歟。使無所措。是犯四難。圍城將併屠無罪。兵爲無名。無名不成。是犯五難。猶欲攻城。城可下乎。况使功不如使過。潘倣受方面之寄。正宜使之立功贖罪。輕信浮言。輒以潘倣等皆爲賊縛。先行革職。不令與事。又欲待事寧會議。其有言皆破調。爲叛卒所使。不復詳其情。

理以至官僚卿士及于宗室皆坐于抗拒王師所以消息不通迄無可處師老財匱卒難成功當誰咎哉縱使萬一得破必將殺戮無辜亦爲自撤其藩籬傳聞四方諸鎮皆危將來有事益深爲計諸邊之患亦自此矣何況未必能破而機會屢失卒至事窮計生勾引北虜而來勢實叵測夫古人善兵皆收其末勢而避其方張昔我聖祖之驅胡元實乘其末勢故能拓漢唐之故疆今則不然我爲承平之餘彼爲方張之勢且今大同人心皆懷必死之懼望救北虜

有如父母人心向背安危攸係爲勢最爲可憂况古
占夷虜不在多人如王衍見石勒之嘯而知有中國
之覆王融明聞趙德明之言而知有西夏之憂今北
虜之有人無人我皆不得而知惟觀其舉措可知舉
措未當事猶可爲舉措皆當人心必歸歸之不返則
事勢可憂又不止如今日而已又况國家兵力悉
在諸邊精銳悉圍大同暴之冰雪經冬涉春死亡一
纍昨不潰散從逆亦倖矣今屢遭挫衄殺傷不可勝
數但匿而不聞似若不覺由此言之則國家兵力

之困莫甚今日而欲當方張之勢豈不甚難爲今之
計更無他策惟安內足以禦外安內之至亦無他道
惟處其情罪允協人心天理之公則無人不信無人
不服無事不濟矣或云大同之叛不當引謀殺主將
之律以其挾城抗命也蓋久養之意欲輕其罪以解
明條雖犯人妻子亦有可原况一城生靈之無辜哉
敬其餘黨耳

此爲國法此爲天討執此而行雖使非虜聞之亦將
自服况我大同之人哉大同旣安則北虜之冀望已
塞然後驅之必去而無還心亦猶良醫治病必先固
其本源而後驅其外邪斯爲善也今不知務此而猶

執征剿之說以縻縫上下。昨者內閣雖因 陛下神
明之見不得已而罷劉源清。然邵永猶存。爲主帥則
大同人心之疑終不可解。萬一小王子果來入城。有
以慰其心。則我之計已窮。彼乃據有大同。徐驅其衆
南下。其勢誠有不可支者。故不可不早慮而深圖也。
夫閫外之事。將軍治之。雖天子不得與。况居省閣之
內。欲執一己之見。以度閫外之機。可乎。惟擇用得人
使之相機而處。則無不萬全矣。伏望 陛下大發乾
斷。速去邵永。并正劉源清妄殺失機之罪。別 簡忠

智以代之、明頒 詔敕以諭之、使大同之人曉然
知覺翻然知悔、知 陛下至仁至明之心、誅討止于
有罪無辜一人不得濫及、則大同之變可不待旬日
而定矣、

遵

聖諭敷王道以永定人心疏

大同亂軍

此久巷奉命查勘大同事也

臣竊惟大同每每事變、始由情罪不明、終成積疑不
解、故臣所以奉命夙夜惟謹、不敢不盡其心、惟明情
罪、解積疑而已、然豈有他、蓋不過仰遵 勅書及

御劄之旨、以敷陳王道、求以自治盡其誠心而已、書

曰、無有作好、遵王之道、無有作惡、遵王之路、此乃古帝王致治保邦、以成雍熙之道也、故臣昨於大同亂軍情罪之當、必明者、決不敢畏難而爲姑息、當勿論者、亦不敢作惡而爲加增、又曰、宥過無大、罪故無小、又曰、殲厥渠魁、脇從罔治、其意蓋謂人之爲惡、如非本心、猶可以改、雖大亦當宥也、如出本心、即不可改、雖小亦當罪也、其云渠魁必殲、正謂惡由本心、脇從罔治、正謂惡非本心、其不宥與宥、一皆至理、而非若後世姑息慘刻之爲也、易曰、王用三驅、失前禽、邑人

不誠言此乃古帝王伐惡安人保無後艱之道也故
臣昨於王福勝等則密切擒之以正典刑其郭經等
則書名圖形懸榜曉知而後捕之又戒有司毋事貪
功毋急追索聽其自逃其逃而不脫者則獲之其逃
而得脫者即徐待之但使不敢入鎮城爲地方之害
則善矣或又恐其逃入北虜爲邊患者此大不知虜
情及彼輩人情之云也虜人凡得中國人口則皆爲
厮役或易馬遠夷使不得逃回如此不惟嗜慾不同
有所不堪其實辛苦艱當豈肯甘心于此况虜人多

疑亦畏彼輩反側不肯容留昨如闕鉞先因毆母親
告在官後同薛源楊鉞出邊勾虜自虜走回更有持
其舊案于巡撫衙門者因發布政使曹蘭問理有爲
游說於曹蘭者云昨因發問此人城中人心皆不安
又欲買煤買米爲閉城計臣聞之即集文武官吏與
闔城軍民諭之曰朝廷所以念爾等一方特遣我
大臣查勘及發帑賑濟者蓋爲爾等皆朝廷赤
子初無背叛朝廷之心無辜罹此荼毒若使王法
不行毆毋勾虜皆不得問則非朝廷赤子又何查

勘賑濟之也。即當回。朝復命。亦不查勘。亦不賑濟
矣。衆皆驚忙。走央巡撫留臣。各遞結狀云。無此事。既
而又有爲薛源等游說者曰。向日往虜勾引諸人。當
速出榜招回。勿令在虜挑釁。臣即據其不堪在虜之
情以答之。夫虜人之來。苟可搶擄。決盡其力爲之。如
不可搶擄。亦無奈而去。又况虜人盛衰皆係於天。果
有冒頓石勒兀朮。則必爲冒頓石勒兀朮之爲。如無
此等。則皆常虜而已。且虜人智識原不藉彼一二人。
而增亦不因少彼一二人而減。彼皆有罪之人。我既

不遣叛人。止以安貼地方。人心既安。雖有投。

招○之○而○來○則○不○可○失○信○以○殺○之○彼○則○反○恃○其○通○虜○之○
勢○以○行○挾○制○豈○不○益○爲○地○方○之○害○哉○臣○故○斷○然○不○許○
其○回○既○而○詢○諸○守○墩○軍○人○云○初○來○時○甚○自○揚○揚○皆○若○
得○計○喝○令○墩○軍○做○飯○與○食○取○水○與○飲○畧○遲○卽○欲○挾○箭○
以○射○既○聞○臣○言○卽○自○蕭○索○泣○向○墩○軍○曰○今○城○中○官○府○
既○不○許○我○回○北○虜○又○不○我○容○若○從○其○去○辛○苦○不○過○我○
皆○是○死○遂○慟○哭○而○去○未○幾○而○擒○王○福○勝○等○虜○人○聞○之○
云○朝廷○差○大○官○府○在○城○既○正○其○法○安○其○人○矣○或○將○
征○我○皆○起○營○遠○去○實○彼○此○情○狀○如○此○則○走○虜○挑○釁○之○

說斷知不必慮矣。於是益知今日安內攘外之要。惟在自治而已。誠不在於多殺。夫自古帝王之於征討。雖加敵國讎虜。皆止於吊民伐罪。而未嘗有盡爲誅戮者。或暴虐過甚。屠殺太過。在春秋所不赦。綱目則必罪。此豈古人欲故爲此寬大以干譽。驩虞其人哉。今只觀大同之事。尤可知矣。初如郤永劉源清不分情罪而槩爲殺戮。則人人自危而不服。反致勾虜以爲大患。及敷陛下德意。分其情罪。則人人自服。而罪人可得。雖虜人聞風。亦心服矣。但使自今有事於

其地者、真能仰體 聖心、真知王道之當務、必先於
自治、公平處物、廉潔持身、不爲債帥酷虐之率飭法
詳刑、勞來安集、無一不盡其誠、更用三驅、擒其餘惡、
不事貪功、聽其自逃、而徐捕之、必無他虞、

皇明經世文編卷之終